

სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება N----

ქ. ბათუმი

----- წელი

ერთის მხრივ, აჭარის ავტონომიური რესპუბლიკის ფინანსთა და ეკონომიკის სამინისტრო, წარმოდგენილი ----- სახით, (შემდგომში „შემსყიდველი“) და მეორეს მხრივ, -----, წარმოდგენილი ----- სახით (შემდგომში „მიმწოდებელი“), ელექტრონული ტენდერის ჩატარების შედეგად (სატენდერო განცხადება NAT-----, კლასიფიკატორის (CPV) კოდი 45200000) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

- 1.1. შესყიდვის ობიექტია: ხულოს მუნიციპალიტეტში მწვანე ტბის სარეკრეაციო ტერიტორიისა და ალპური ბოტანიკური ბაღის ელექტრომომარაგების, შემდგომში მიმდებარე სეზონური დასახლებების ელექტრომომარაგების უზრუნველყოფით, სამშენებლო სამუშაოები;
- 1.2. ხელშეკრულების საერთო ღირებულება შეადგენს -----ლარს.
- 1.3. წინამდებარე ხელშეკრულების განუყოფელ ნაწილს წარმოადგენს ხარჯთაღრიცხვა - დანართი N1;
- 1.4. ხელშეკრულების ღირებულება შესაძლებელია დაზუსტდეს ფაქტიურად გაწეული სამუშაოების ღირებულების შესაბამისად;
- 1.5. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს, რომელთა გადახდაზე პასუხისმგებელია მიმწოდებელი.

2. ხელშეკრულების შესრულების კონტროლი

- 2.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ პირობებთან.
- 2.2. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 2.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი (დაზუსტდება ხელშეკრულების გაფორმების დროს).

3. შესყიდვის ობიექტის მიწოდების ვადები, პირობები და ადგილი

- 3.1. სამშენებლო სამუშაოები უნდა დასრულდეს ხელშეკრულების გაფორმების თარიღიდან არაუგვიანეს 2022 წლის 01 დეკემბრამდე პერიოდში.
- 3.2. მიმწოდებელი ვალდებულია შეასრულოს სამუშაოები ხელშეკრულებით გათვალისწინებულ ვადებში, სატენდერო დოკუმენტაციაში არსებული და მის მიერ წარმოდგენილი საბოლოო ხარჯთაღრიცხვის შესაბამისად, საქართველოში მოქმედი ყველა საჭირო ნორმების, სტანდარტებისა და წესების მოთხოვნების დაცვით.
- 3.3. შემსყიდველის წარმომადგენელი ან/და ტექნიკური ზედამხედველი უფლებამოსილია შეამოწმოს სამუშაოს და გამოყენებული მასალების ხარისხის საქართველოში მოქმედ სამშენებლო წესებთან და ნორმებთან შესაბამისობა. სამუშაოების შესრულებისას გამოყენებული მასალა-მოწყობილობები უნდა იყოს მაღალი ხარისხის, გამოუყენებელი და სრულად შეესაბამებოდეს საქართველოში ამ სფეროში მოქმედ/აღიარებულ სტანდარტებს. მიმწოდებლის მიერ შემოთავაზებული მასალა-მოწყობილობების საქართველოში მოქმედ/აღიარებულ სტანდარტებთან ან/და სატენდერო დოკუმენტაციით განსაზღვრულ მოთხოვნებთან შეუსაბამობის შემთხვევაში, მიმწოდებელი ვალდებულია შემოთავაზებული მასალა-

მოწყობილობები თავისი ხარჯებით ჩაანაცვლოს შემსყიდველისათვის მისაღები, სატენდერო დოკუმენტაციით განსაზღვრული სპეციფიკაციების მქონე მასალა-მოწყობილობებით.

- 3.4. ყველა სამუშაო უნდა გაიაროს სისტემატიური ინსპექტირება, სამშენებლო ნორმებთან და წესებთან შესაბამისობა და ხარისხის კონტროლი. მშენებლობის პროცესში წარმოქმნილი პრობლემების/ხარვეზების აღმოსაფხვრელად და რაციონალური წინადადებების განსახორციელებლად, მიმწოდებელი წარუდგენს შემსყიდველს რეკომენდაციებსა და აღმოფხვრის ხერხებს.
- 3.5. შემსყიდველის წარმომადგენელს, საავტორო ზედამხედველობის განმახორციელებელ პირს და სხვა უფლებამოსილ პირს, ხელშეკრულების ან/და სხვა მარეგულირებელი კანონმდებლობის შესაბამისად, აქვთ უფლება ნებისმიერ დროს ხელშეკრულებასთან შესაბამისობის ან სამუშაოების მსვლელობის შეფასების მიზნით მოახდინოს სამშენებლო მოედანზე სამუშაოების წარმოების და სამუშაოებისთვის განკუთვნილი მასალების და მიმწოდებლის ან ქვეკონტრაქტორის (არსებობის შემთხვევაში) ნაგებობების ინსპექტირება. მიმწოდებელმა უნდა მოახდინოს ინსპექტირებისთვის შესაბამისი, უსაფრთხო და სათანადო საშუალებებით უზრუნველყოფა.
- 3.6. შემსყიდველის წარმომადგენელის ან/და სხვა უფლებამოსილი პირის მიერ დადგენილი ხარვეზის გამოსწორება მიმწოდებლის მიერ უნდა მოხდეს დაუყოვნებლივ, მიმწოდებლის სახსრებით. მიმწოდებლის მიერ ხარვეზის სრულ და ჯეროვნად აღმოფხვრამდე მხარეებს შორის ხარვეზიანი სამუშაოს მიღება-ჩაბარების აქტის გაფორმება არ განხორციელდება. იმ შემთხვევაში, თუ მიმწოდებელი ვერ ან არ განახორციელებს ხარვეზის აღმოფხვრას ხარვეზის გამოსწორების შეტყობინებაში მითითებულ ურთიერთშეთანხმებულ გონივრულ ვადაში (არაუმეტეს 30 კალენდარული დღე), მაშინ ეს ჩაითვლება ხელშეკრულების პირობის დარღვევად.
- 3.7. იმ შემთხვევაში, თუ მიმწოდებელი არ ეთანხმება შემსყიდველის წარმომადგენელის ან/და საავტორო ზედამხედველობის განმახორციელებელ პირის მიერ მითითებულ დეფექტს/ხარვეზს, მიმწოდებელი უფლებამოსილია შემსყიდველს წარუდგინოს სსიპ „ლევან სამხარაულის სახელობის სასამართლო ექსპერტიზის“ ან სხვა აკრედიტირებული პირის მიერ დადასტურებული დეფექტის/ხარვეზის არ არსებობის შესახებ დასკვნა.
- 3.8. მიმწოდებელმა უნდა აწარმოოს სამშენებლო ნებართვით განსაზღვრული ეტაპის დასრულების ოქმები, ასევე მათთან დაკავშირებული ფარული და სხვა სამუშაოების აქტები, აგრეთვე სამუშაოთა ჟურნალი, მშენებლობის უსაფრთხოების წესებზე ინსტრუქტაჟის ჟურნალი და სხვა საშემსრულებლო დოკუმენტაცია, შესაბამისი სახელმწიფო ორგანოს მიერ მოთხოვნილი ყველა საჭირო დამატებითი დოკუმენტი;
- 3.9. მიმწოდებელი ვალდებულია უზრუნველყოს მშენებლობის უსაფრთხოების მოქმედი წესების დაცვა;
- 3.10. მიმწოდებელი ვალდებულია მოიპოვოს მშენებლობის პროცესში სამშენებლო პროცესის შეუფერხებლად წარმართვისათვის აუცილებელი ყველა სახის სანებართვო ან შეთანხმების დოკუმენტაცია (ქუჩის/გზის სავალ ნაწილზე ტრანშეის მოწყობა, დროებითი ელექტრო და წყალმომარაგება, საჭიროების შემთხვევაში ქუჩის გადაკეტვა, საკანალიზაციო და სანიაღვრე არხების დროებით გამოყენება, სამშენებლო ტერიტორიაზე მასალების მიწოდების/გამოტანის სატრანსპორტო სქემის შეთანხმება საჭიროების შემთხვევაში და ა.შ.).
- 3.11. მიმწოდებელი ვალდებულია მშენებლობის პროცესი აწარმოოს საინჟინრო კომუნიკაციების (ხაზობრივი ნაგებობების) ოპერატორი კომპანიების მიერ გაცემული ტექნიკური პირობების დაცვით და შეასრულოს ამავე ტექნიკური პირობებით განსაზღვრული მოთხოვნები.

4. შესრულებული სამუშაოს საგარანტიო ვადა

- 4.1. მიმწოდებელი იძლევა გარანტიას, რომ სამუშაოების მთლიანი მოცულობით დასრულების დამადასტურებელი საბოლოო მიღება-ჩაბარების აქტის ხელმოწერიდან 1 (ერთი) წლის ვადაში მიმწოდებლის მიერ შესრულებულ სამუშაოზე სწორი ექსპლოატაციის პირობებში, არ გამოვლინდება დეფექტი/ხარვეზი, ხოლო მათი გამოვლენის შემთხვევაში მიმწოდებელი კისრულობს ვალდებულებას, რომ საკუთარი ხარჯითა და პასუხისმგებლობით აღმოფხვრის საგარანტიო პერიოდში გამოვლენილ დეფექტს/ხარვეზს და შეასრულებს ამ

დეფექტით/ხარვეზით გამოწვეულ დამატებით სამუშაოებს, ასეთი ხარვეზის გამოსწორებისათვის საჭირო ურთიერთშეთანხმებულ გონივრულ ვადაში.

- 4.2. იმ შემთხვევაში, თუ მიმწოდებელი არ ეთანხმება შემსყიდველის მიერ მითითებულ დეფექტს/ხარვეზს, მიმწოდებელი უფლებამოსილია შემსყიდველს წარუდგინოს სსიპ „ლევან სამხარაულის სახელობის სასამართლო ექსპერტიზის“ ან სხვა აკრედიტირებული პირის მიერ გაცემული დასკვნა, რომლითაც დადასტურდება, რომ დეფექტის/ხარვეზი გამოწვეული არ არის მიმწოდებლის ბრალით.

5. პასუხისმგებლობა ზიანის ანაზღაურებაზე და ხარვეზის გამოსწორებაზე

- 5.1. მიმწოდებელი იღებს სრულ პასუხისმგებლობას ნებისმიერ ზიანზე (პირდაპირი თუ არაპირდაპირი) ან დანაკარგზე, რომელიც ამ ხელშეკრულების ფარგლებში მიმწოდებლის ბრალეული ქმედებით მიადგება როგორც შემსყიდველს, ასევე მესამე პირს, ხელშეკრულების ძალაში შესვლიდან საგარანტიო ვადის მოქმედების დასრულებამდე, თუკი ეს ზიანი გამოწვეულია მიმწოდებლის მიერ და მისი ბრალით საპროექტო დოკუმენტაციის და ხელშეკრულების პირობების დარღვევით სამუშაოების შესრულებასთან.
- 5.2. მიმწოდებელი ვალდებულია საკუთარი ხარჯით გამოასწოროს ნებისმიერი დეფექტი/ხარვეზი იმგვარად, რომ შესრულებული სამუშაო სრულ შესაბამისობაში იყოს ხელშეკრულების პირობებთან.
- 5.3. მიმწოდებლის მიერ ხარვეზების გამოსწორებასთან დაკავშირებული ყველა სამუშაო შესრულებული იქნება საპროექტო დოკუმენტაციის და ხელშეკრულების პირობების დაცვით.
- 5.4. მიმწოდებელი ხარვეზ(ებ)ის გამოსწორებისას, ასევე პასუხისმგებელია საქართველოს კანონმდებლობის შესაბამისად, აანაზღაუროს ყველა ის ზიანი, რომელიც მისი ბრალეული ქმედებიდან გამომდინარე მიადგა მესამე პირს. ხელშეკრულებით განსაზღვრული სამუშაოების მიმდინარეობის ან/და დასრულების შემდეგ, სამუშაოების საგარანტიო პერიოდის დასრულებამდე, შემსყიდველი მიმწოდებელს გაუზიარებს შეტყობინებას ნებისმიერი აღმოჩენილი ხარვეზის გამოსწორების/აღმოფხვრის მოთხოვნის თაობაზე.
- 5.5. ყოველი ხარვეზის გამოსწორების შეტყობინების დროს მიმწოდებელმა უნდა მოახდინოს შესაბამისი ხარვეზის გამოსწორება შეტყობინებაში განსაზღვრული ურთიერთშეთანხმებული ვადის განმავლობაში. იმ შემთხვევაში, თუ მიმწოდებელი დადგენილ ვადებში არ განახორციელებს ხარვეზების გამოსწორებას, შემსყიდველი აამოქმედებს ხელშეკრულების შესრულების უზრუნველყოფის საბანკო გარანტიას.

6. ჯანმრთელობის და უსაფრთხოების საკითხები

- 6.1. მიმწოდებელი პასუხისმგებელია სამშენებლო ობიექტზე სამუშაოების უსაფრთხოდ წარმოებასა და ჯანმრთელობის დაცვაზე მოქმედი კანონმდებლობის და საპროექტო დოკუმენტაციის შესაბამისად.

7. გარემოს დაცვის, კულტურული მემკვიდრეობის და სოციალური ზეგავლენის საკითხები

- 7.1. მიმწოდებელი საქართველოს მოქმედი კანონმდებლობის შესაბამისად, პასუხისმგებელია ყველა შესაძლო ნეგატიურ ზეგავლენაზე, რომელიც მიმდინარე სამუშაოებმა შეიძლება მოახდინოს გარემოზე, სოციალურ გარემოზე, კულტურულ მემკვიდრეობაზე და საზოგადოებაზე.
- 7.2. მიმწოდებელი და ქვეკონტრაქტორი (ასეთის არსებობის შემთხვევაში) ვალდებული არიან დაექვემდებარონ მოქმედი კანონმდებლობის მოთხოვნებს და დებულებებს, რომელიც დაკავშირებულია გარემოზე, სოციალურ გარემოზე, კულტურულ მემკვიდრეობაზე და საზოგადოებაზე ზეგავლენის საკითხებთან (რაც თავის მხრივ შეზღუდვის გარეშე მოიცავს გარემოს დაბინძურების თავიდან აცილებას, კულტურული მემკვიდრეობის დაცვას და სხვა გადაუდებელ ღონისძიებებს).
- 7.3. სამუშაოთა მიმდინარეობის მთელი პერიოდის განმავლობაში და მათი დასრულების მომენტისათვის, აგრეთვე ხარვეზების გამოსწორების პერიოდში, მიმწოდებელი ყველა ღონეს იხმარს, რათა დაიცვას მშენებლობის მომიჯნავე გარემო, სოციალური გარემო, კულტურული მემკვიდრეობა და საზოგადოება ნეგატიური ზეგავლენისაგან.

8. გარემოს დაბინძურება

- 8.1.** სამუშაოთა წარმოების და მათი დასრულების შემდგომ მიმწოდებელი უზრუნველყოფს სამშენებლო ნარჩენებისა და ნაგვის გატანას, რომელიც წარმოიქმნა მშენებლობის პროცესში. მიმწოდებელი ვალდებულია დაემორჩილოს შემსყიდველის მოთხოვნას, რომელიც ითვალისწინებს სამუშაოთა მიმდინარეობის განმავლობაში მსგავსი დასუფთავების ღონისძიებების გატარებას.
- 8.2.** სამუშაოების დასრულებისთანავე მიმწოდებელი ვალდებულია დაუყოვნებლივ გაიტანოს სამშენებლო მოედნიდან მიმწოდებლის და ქვე-კონტრაქტორის (ასეთის არსებობის შემთხვევაში) კუთვნილი მოწყობილობა, მასალები, ხარაჩოები, დროებითი ნაგებობები და მსგავსი კონსტრუქციები.
- 8.3.** მიმწოდებელი კისრულობს ვალდებულებას დაიცვას ნიადაგი და წყალი დაბინძურებისაგან, რომელიც გამოწვეულია, მაგრამ არ შემოიფარგლება გადმოღვრით, გაჟონვით ან საწვავის, ძრავის შესაზეთი მასალების, საღებავების, დასაგრუნტი მასალების, გამხსნებელის დაღვრით, ნარჩენებით, ნაგვით და სხვა მასალებით, რომლებიც მიმწოდებლის ან ქვე-კონტრაქტორის საკუთრებაში ან კონტროლის ქვეშაა და იღებს ვალდებულებას მის გატანაზე და აგრეთვე იმაზე, რომ დაიცვას შემსყიდველი („ზიანისაგან დაცული მხარე“) მის მიმართ წაყენებული პრეტენზიისაგან, მოთხოვნისაგან, ხარჯისაგან, სასამართლო გარჩევისაგან, დანაკარგისაგან და სხვა ხარჯისაგან, რომლებიც წარმოიქმნება მიმწოდებლის ბრალეული მოქმედებით ან/და უმოქმედობით, დაუდევრობის მიზეზით ან მის მიერ მესამე პირთა უფლებების დარღვევისას.
- 8.4.** მიმწოდებელი ვალდებულია უზრუნველყოს სამუშაოების წარმოების შედეგად წარმოქმნილი ნარჩენების (სახიფათო და არასახიფათო) სეპარირებული შეგროვება, აღრიცხვა, დროებით უსაფრთხოდ განთავსება და გადაცემა გაუვნებელყოფა-გადამუშავების მიზნით, გარემოზე ზემოქმედების ნებართვის მქონე სათანადო ლიცენზირებული ორგანიზაციისათვის.
- 8.5.** სამშენებლო სამუშაოების წარმოებისას ნებისმიერი სახის ზიანი ან დანაკარგი, რომელიც მიადგა მიმწოდებლის ბრალეული ქმედებით მესამე მხარის ქონებას, დაუყოვნებლივ იქნება მიმწოდებლის მიერ აღდგენილი პირვანდელ მდგომარეობაში ან/და ჩანაცვლებული ანალოგიურით ან/და ანაზღაურებული იქნება შესაბამისი ღირებულებით. აღნიშნული მდგომარეობა დაექვემდებარება მოლაპარაკებას მიმწოდებელსა და ზემოქმედების ქვეშ მყოფ მესამე მხარე(ებ)ს შორის.

9. შესყიდვის ობიექტის მიღება-ჩაბარების წესი

- 9.1.** სამუშაოები მიღებულად ჩაითვლება მიღება-ჩაბარების აქტის (ფორმა N2; ფორმა N3) გაფორმებისა და შესაბამისი აკრედიტებული პირის/ორგანიზაციის ან ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული ერთმნიშვნელოვანი დადებითი დასკვნის წარმოდგენის შემდეგ. დასკვნით უნდა დადასტურდეს: ა) აქტით განსაზღვრული შესრულებული სამშენებლო სამუშაოების მოცულობის, რაოდენობისა და ღირებულების შესაბამისობა სახელშეკრულებო საპროექტო-სახარჯთაღრიცხვო დოკუმენტაციასთან; ბ) აქტით განსაზღვრული შესრულებული სამშენებლო სამუშაოების შესაბამისობა საქართველოში მოქმედ სამშენებლო წესებთან და ნორმებთან (ნაწილი III, სამშენებლო სამუშაოების წარმოების წესები). იმ შემთხვევაში, თუ დასკვნის გამცემი ორგანო არ იქნება სსიპ ლევან სამხარაულის სახელობის სასამართლო ექსპერტიზის ეროვნული ბიურო, მიმწოდებელმა დამატებით უნდა წარმოადგინოს ექსპერტიზის განმახოციელებელი პირის შესაბამისი აკრედიტაციის დამადასტურებელი დოკუმენტი (აკრედიტაციის სფერო უნდა ფარავდეს მოთხოვნილ მომსახურებას);
- 9.2.** შესრულებული სამუშაოების შუალედურ და საბოლოო მიღება-ჩაბარებას (ფორმა N2; ფორმა N3) განახორციელებს აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი შემდეგი (დაზუსტდება ხელშეკრულების გაფორმების დროს);
- 9.3.** საბოლოო მიღება-ჩაბარების განხორციელებისათვის, მიმწოდებელი ვალდებულია, 9.1 პუნქტში მოცემულ დოკუმენტაციასთან ერთად, წარმოადგინოს: ა) ხელშეკრულების ფარგლებში შესრულებული სამუშაოების დროს გამოყენებული ძალოვანი კაბელის გამოცდის ოქმი; ბ)

ხელშეკრულების ფარგლებში მოწყობილი ახალი სატრანსფორმატორო ქვესადგურის დამიწების კონტურის გამოცდის ოქმი და ძალოვანი ტრანსფორმატორის გამოცდის ოქმი. ოქმების გამცემი ორგანიზაცია აკრედიტირებული უნდა იყოს სსიპ „აკრედიტაციის ერთიანი ეროვნული ორგანო - აკრედიტაციის ცენტრი“-ს მიერ, შესაბამისად წარმოსადგენი იქნება აკრედიტაციის დამადასტურებელი დოკუმენტი;

- 9.4. სამუშაოების მიღება-ჩაბარების აქტების და მასთან დაკავშირებული დოკუმენტაციის წარმოდგენის თარიღად ჩაითვლება მათი შემსყიდველის იურიდიულ მისამართზე ოფიციალურად წარმოდგენის თარიღი.
- 9.5. შემსყიდველი უფლებამოსილია, საკუთარი შეხედულებისამებრ სამუშაოების წარმოების პროცესში მიმწოდებლის მიერ შემსყიდველისათვის წარდგენილ შესრულებულ სამუშაოებს (ფორმა №2 და ფორმა N3) ჩაუტაროს ექსპერტიზა სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან შესაბამის სფეროში აკრედიტებული სხვა პირის მეშვეობით.

10. ანგარიშსწორება

- 10.1. ანგარიშსწორება განხორციელდება ეტაპობრივად, მიმწოდებელსა და შემსყიდველი ორგანიზაციის წარმომადგენელს შორის გაფორმებული შესრულებული სამუშაოების მიღება-ჩაბარების აქტების (ფორმა N2 და ფორმა N3), შესრულებულ სამუშაოებზე სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული ერთმნიშვნელოვნად დადებითი საექსპერტო დასკვნის და საგადასახადო ანგარიშფაქტურის წარმოდგენიდან 10 (ათი) სამუშაო დღის განმავლობაში.
- 10.2. სახელშეკრულებო ღირებულების არანაკლებ 10%-ის ანაზღაურება მოხდება მიმწოდებელსა და შემსყიდველს შორის საბოლოო მიღება-ჩაბარების აქტის გაფორმების შემდეგ.
- 10.3. მიმწოდებელი უფლებამოსილია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით.
- 10.4. მიუხედავად შესაბამისი წერილობითი მოთხოვნისა, შემსყიდველი უფლებამოსილია არ დააკმაყოფილოს ან დააკმაყოფილოს ნაწილობრივ მიმწოდებლის თხოვნა ავანსის გაცემის თაობაზე.
- 10.5. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს საბანკო გარანტია. გარანტია წარმოდგენილი უნდა იყოს ეროვნულ ვალუტაში - ლარში, საქართველოს ეროვნული ბანკის მიერ ლიცენზირებული საბანკო დაწესებულებიდან, ან უცხო ქვეყნის საბანკო დაწესებულებიდან, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ. გარანტიის წარმოდგენა ასევე დასაშვებია სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან. საბანკო გარანტია თავისი შინაარსით უნდა იყოს უპირობო და გამოუთხოვადი და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს შესაბამისი თანხა. გარანტია წარმოდგენილი უნდა იყოს შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი უფლებამოსილი პირის მიერ და ბეჭედდასმული. საბანკო გარანტიის მოქმედების ვადა 60 კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების ვადას.
- 10.6. შემსყიდველი ავანსის თანხის გადახდას განხორციელებს მიმწოდებლის მიერ საბანკო გარანტიის და საავანსო საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში;
- 10.7. ხელშეკრულების მოქმედების ვადის გაგრძელების შემთხვევაში (მიუხედავად იმისა ვისი, ან, რა მიზეზით მოხდა აღნიშნული ვადის გაგრძელება), მიმწოდებელი ვალდებულია, შემსყიდველის წერილობითი მოთხოვნიდან 5 სამუშაო დღის ვადაში, გააგრძელოს უპირობო და გამოუხმობი

გარანტიის მოქმედება იმგვარად, რომ დაცული იყოს 10.5 პუნქტით განსაზღვრული დროის პერიოდი;

- 10.8. მიმწოდებელთან ანგარიშსწორებისას, გადახდილი საავანსო თანხის მთლიანი მოცულობით გაქვითვამდე, მიმწოდებლისათვის გადასახდელი თანხიდან შემსყიდველი გამოქვითავს ანგარიშფაქტურაში მითითებული თანხის 30%-ს (ოცდაათი პროცენტი). თეთრ სიაში დარეგისტრირებულ მიმწოდებელთან ჯერ გაიქვითება წინასწარ გადახდილი თანხის გარანტიით არაუზრუნველყოფილი ნაწილი. მას შემდეგ, რაც აღწერილი მეთოდით სრული მოცულობით გაიქვითება მიმწოდებლისათვის გადახდილი ავანსი, შემსყიდველი სრულად ანაზღაურებს შესრულებული სამუშაოებისათვის ანგარიშფაქტურაში მითითებულ თანხას.
- 10.9. ხელშეკრულების შეწყვეტის შემთხვევაში შემსყიდველი უფლებამოსილია აინაზღაუროს აუთვისებელი ავანსი, ავანსის უზრუნველყოფის საბანკო გარანტიიდან.
- 10.10. მიმწოდებელზე გასაცემი საავანსო თანხა ჯამში არ უნდა აღემატებოდეს ხელშეკრულების ჯამური ღირებულების 30%-ს.
- 10.11. სამშენებლო სამუშაოებზე გამოვლენილი ხარვეზების, ასევე შემსყიდველის მიერ მიმწოდებელზე დაკისრებული პირგასამტეხლოს, ან ჯარიმების შემთხვევაში, შემსყიდველის მიერ არ იქნება ანაზღაურებული მიმწოდებლის მიერ ხარვეზით შესრულებული სამშენებლო სამუშაოების ღირებულება, ხარვეზის სრულად აღმოფხვრამდე და მასზე დარიცხული პირგასამტეხლოს/ჯარიმების (არსებობის შემთხვევაში) ბიუჯეტში გადახდამდე. უხარვეზოდ შესრულებული სამუშაოების ღირებულება ანაზღაურდება.
- 10.12. თუ შესრულებული სამუშაოების მოცულობების ღირებულებამ არ შეადგინა მიმწოდებელთან დადებული ხელშეკრულებით გათვალისწინებული თანხა, ასეთ შემთხვევაში, შემსყიდველი გადაუხდის მიმწოდებელს ფაქტიურად შესრულებული სამუშაოების მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთა მოცულობების ანაზღაურებაზე.

11. ხელშეკრულების შესრულების უზრუნველყოფის საბანკო გარანტია

- 11.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია ----- მიერ ----- წლის ----- გაცემული **საბანკო გარანტია** -----.
- 11.2. გარანტიის ოდენობა განსაზღვრულია ხელშეკრულების ჯამური ღირებულების 5-10%-ის ოდენობით, კერძოდ ----- ლარზე. წარმოდგენილი საბანკო გარანტია მოქმედებს --- ----- წლის ----- ჩათვლით. ხელშეკრულების უზრუნველყოფის გარანტიის მოქმედების ვადა არანაკლებ 13 თვით უნდა აღემატებოდეს სამუშაოების დასრულების ვადას.
- 11.3. ხელშეკრულების 11.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო და გამოუხმობ ვალდებულებას საბანკო გარანტიის სრული თანხის შემსყიდველისათვის ანაზღაურებაზე. ხელშეკრულების შესრულების უზრუნველყოფის საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის, ან არაჯეროვნად შესრულების, ან ხელშეკრულების შეწყვეტის შემთხვევაში, ან შესრულებული სამუშაოების დამთავრების შემდეგ გამოვლენილი დეფექტების, ან ხარისხის გაუარესების აღმოფხვრელობის გამო, აგრეთვე, შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.
- 11.4. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.
- 11.5. ხელშეკრულების მოქმედების ვადის გადავადების (გაგრძელების) შემთხვევაში (მიუხედავად იმისა თუ ვისი, ან რა მიზეზით მოხდა აღნიშნული ვადის გადავადება), მიმწოდებელი ვალდებულია შემსყიდველის წერილობით მოთხოვნიდან 5 სამუშაო დღის განმავლობაში გააგრძელოს საბანკო გარანტია იმგვარად, რომ დაცული იყოს 11.2 პუნქტში აღნიშნული დროის პერიოდი (ხელშეკრულების უზრუნველყოფის გარანტიის მოქმედების ვადა არანაკლებ 13 თვით უნდა აღემატებოდეს სამუშაოების დასრულების ვადას).

- 11.6. მიმწოდებლის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან არაჯეროვნად შესრულების შემთხვევაში, შემსყიდველი უფლებამოსილია სრულად გამოიყენოს ხელშეკრულების უზრუნველყოფის საბანკო გარანტია მიმწოდებელთან ხელშეკრულების შეწყვეტის ან მისი არ შეწყვეტის შემთხვევაში.

12. ფასები

- 12.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 12.2. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 12.3. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13. ხელშეკრულებაში ცვლილებების შეტანა

- 13.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი შეთანხმების გარდა.
- 13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 13.3. შემსყიდველს აქვს უფლება პროექტის მიზნებიდან გამომდინარე, ცალმხრივად მიიღოს გადაწყვეტილება სამუშაოების მოცულობის ცვლილებებთან დაკავშირებით. ასეთი ცვლილებები შესაძლოა მოიცავდეს: სამუშაოების მოცულობის დამატებას, შემცირებას, გაუქმებას, ჩანაცვლებას ან სხვა სახის ცვლილებას. მიმწოდებელი ვალდებულია დაეთანხმოს შემსყიდველის მოთხოვნას სამუშაო მოცულობის ცვლილებების შეტანასთან დაკავშირებით.
- 13.4. მიმწოდებელმა შემსყიდველის მიერ მოთხოვნილი ცვლილებების შესაბამისად უნდა უზრუნველყოს სამუშაოების მოცულობათა ცხრილის (ხარჯთაღრიცხვის), აგრეთვე ხელშეკრულების სხვა დანართების მომზადება, რომელიც უნდა ეფუძნებოდეს ერთეული სამუშაოს ღირებულებას.
- 13.5. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 13.6. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. უფლებების გადაცემა

- 14.1. მიმწოდებელმა შემსყიდველის წინასწარი წერილობითი თანხმობის შესახებ შეტყობინების გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

15. ქვეკონტრაქტორები

- 15.1. ხელშეკრულების მიმდინარეობის ნებისმიერ ეტაპზე „მიმწოდებელი“ უფლებამოსილია უზრუნველყოს სამუშაოს წარმოება ქვეკონტრაქტორ(ებ)ის მონაწილეობით;
- 15.2. ქვეკონტრაქტორ(ებ)ის მეშვეობით სამუშაოთა წარმოების უფლების მიღება „მიმწოდებელს“ გააჩნია მხოლოდ „შემსყიდველთან“ შეთანხმების შესახებ შეტყობინების საფუძველზე. აღნიშნული უფლების მისაღებად, „მიმწოდებელმა“ უნდა წარმოადგინოს

ქვეკონტრაქტორ(ებ)თან გაფორმებული ხელშეკრულება, ქვეკონტრაქტით შესასრულებელი სამუშაოების შესახებ ინფორმაციის მითითებით;

- 15.3. ქვეკონტრაქტორ(ებ)ის მიერ შესასრულებელი სამუშაოს მიწოდება და შესაბამისად სამუშაოს ჩაბარებას უზრუნველყოფს „მიმწოდებელი“;
- 15.4. ქვეკონტრაქტორ(ებ)ის მიერ შესრულებული სამუშაოს ღირებულების ანგარიშსწორება განხორციელდება „მიმწოდებელთან“ წინამდებარე ხელშეკრულებით გათვალისწინებული პირობების შესაბამისად;
- 15.5. „მიმწოდებელმა“ „შემსყიდველის“ წინასწარი წერილობითი თანხმობის შესახებ შეტყობინების გარეშე, არც მთლიანად და არც ნაწილობრივ არ უნდა გადასცეს სხვა პირებს მოცემული ხელშეკრულებით არსებული თავისი ვალდებულებები;
- 15.6. ამ ხელშეკრულების ფარგლებში დადებული არცერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

16. ხელშეკრულების პირობების შეუსრულებლობა

- 16.1. თუ მიმწოდებელი არ ასრულებს ხელშეკრულებით განსაზღვრულ ვალდებულებებს, მიმწოდებელს დაეკისრება პირგასამტეხლოს გადახდა ხელშეკრულებით განსაზღვრული სამუშაოების შეუსრულებელი ნაწილის ღირებულების 0,02%-ის ოდენობით ყოველ ვადაგადაცილებულ დღეზე;
- 16.2. მიმწოდებლის მიერ ხელშეკრულების შეწყვეტის/მომსახურების გაწევაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით;
- 16.3. მიმწოდებლის მიერ ხელშეკრულების პირობების დარღვევის შემთხვევაში, შემსყიდველს წინამდებარე ხელშეკრულების მე-17 მუხლის შესაბამისად, უფლება აქვს შეწყვიტოს ხელშეკრულება.

17. ხელშეკრულების შეწყვეტის საფუძვლები

- 17.1. საქართველოს კანონმდებლობით გათვალისწინებული წესით, შემსყიდველს უფლება აქვს ვადამდე შეწყვიტოს ხელშეკრულება იმ შემთხვევაში, თუ მიმწოდებელი არ ასრულებს (არღვევს) წინამდებარე ხელშეკრულებით აღებულ ვალდებულებებს, მათ შორის: 1. მიმწოდებელმა ვერ ან არ შეასრულა ხარვეზის გამოსწორების შეტყობინებაში დაფიქსირებული მოთხოვნები; 2. მიმწოდებლის მხრიდან სამუშაოების წარმოება მიმდინარეობს საპროექტო დოკუმენტაციაში განსაზღვრული პირობების დარღვევით; 3. მიმწოდებლის მიერ გადასახდელი პირგასამტეხლოს ოდენობა გადააჭარბებს ხელშეკრულების საერთო ღირებულების 5%-ს; 4. მიმწოდებელი ვერ უზრუნველყოფს ხელშეკრულების შესრულების უზრუნველყოფის ან/და ავანსის საბანკო გარანტიების ვადების გაგრძელებას, რომელთა მოქმედების ვადებიც უნდა ემთხვეოდეს ხელშეკრულების 10.5 და 11.2 პუნქტებით განსაზღვრულ პერიოდს; 5. თუ მისთვის ცნობილი გახდება, რომ მიმწოდებლის მიერ მისი მდგომარეობის, კვალიფიკაციის და გამოცდილების შესახებ წარმოდგენილი მონაცემები და მონაცემების დამადასტურებელი დოკუმენტები ყალბი აღმოჩნდება; 6. მიმწოდებლის მიმართ გადახდისუუნარობის, გაკოტრების საქმის ან სხვა მსგავსი წარმოების განხილვის შემთხვევაში; 7. მიმწოდებელი საკუთარი ბრალეული ქმედების გამო ჩამორჩა ხელშეკრულებით გათვალისწინებული სამუშაოების დასრულების ვადებს და მიმწოდებელმა საკუთარი ბრალეული ქმედების გამო შემსყიდველის სათანადო შეტყობინების მიღებიდან შეტყობინებაში მითითებულ ვადებში ვერ შეძლო ხელშეკრულებით ნაკისრი ვალდებულების შესრულება;
- 17.2. შემსყიდველს და მიმწოდებელს შეუძლიათ ურთიერთშეთანხმებით, ორმხრივად შეწყვიტონ ხელშეკრულება მისი მოქმედების ნებისმიერ ეტაპზე.
- 17.3. ხელშეკრულების შეწყვეტის შემთხვევაში მიმწოდებელი დაუყოვნებლივ წყვეტს სამუშაოებს, უზრუნველყოფს ობიექტის უსაფრთხოებას და მიმწოდებელსა და შემსყიდველს შორის შეთანხმებულ გონივრულ ვადებში ტოვებს ობიექტს.
- 17.4. თუ შემსყიდველი ხელშეკრულებას შეწყვეტს მიმწოდებლის მიერ ნაკისრი ვალდებულებების შეუსრულებლობის ან არაჯეროვნად შესრულების გამო, აღნიშნულ შემთხვევაში მიმწოდებელი

ვალდებული იქნება ხელშეკრულების შეწყვეტიდან ერთი თვის ვადაში შემსყიდველს და მესამე პირებს აუნაზღაუროს ყველა ზიანი და ზარალი.

18. ფორს-მაჟორი

- 18.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 18.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით.
- 18.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

19. სადაო საკითხების გადაწყვეტა

- 19.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 19.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია საქართველოში მოქმედი კანონმდებლობის შესაბამისად მიმართოს ბათუმის საქალაქო სასამართლოს.

20. გამოყენებული სამართალი

- 20.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

21. გადასახადები და დაბეგვრა

- 21.1. უცხოელი მიმწოდებელი (არარეზიდენტი) პასუხს აგებს შესასრულებელი სამუშაოების შესრულებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
- 21.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

22. ხელშეკრულების მოქმედების ვადა

- 22.1. წინამდებარე ხელშეკრულება ძალაშია წინამდებარე ხელშეკრულების გაფორმების თარიღიდან 2----- წლის ----- ჩათვლით.

23. სხვა პირობები

- 23.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 23.2. ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 23.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

24. მხარეთა იურიდიული მისამართები და რეკვიზიტები

<u>„შემსყიდველი“</u>	<u>„მიმწოდებელი“</u>
აჭარის ავტონომიური რესპუბლიკის ფინანსთა და ეკონომიკის სამინისტრო	
ტელ: (422) 27-35-10	
მისამართი: ქ. ბათუმი, მ. კომახიძის ქუჩა N119	
საიდენტიფიკაციო კოდი - 245429200	